

## Universitätsbibliothek Paderborn

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De sancti Athanasii relegatione & fuga. Cap. VIII.

**urn:nbn:de:hbz:466:1-12704**

## THEODOR. HISTOR.

dimidiam summam ei condonare, iubereque reliquam dis-  
soluere. Ille suspensus in sublimi, & stylis confossum, à ves-  
pis & apibus ambesus, non modo nullam dedit doloris  
significationem, verum etiam impios lepide irrisit, dixitq;  
eos abiectos esse, & humi repere, se autem erectum &  
in sublimi positum. Ad extreum isti exiguam pecu-  
niæ portionem petere. Quibus ille, perinde impium es-  
se obolum in impium opus impendere, atque summam  
pecuniæ vniuersam. Proinde sic tandem euicti, eum di-  
mittunt, cum eius admirati fortitudinem & constantiam,  
tum mutata sententia, ad rationem vitæ penitus cōtrariam  
redacti: siquidē ex eius ore verā pietatē postea didicerunt,

*Quas aduersus Christianos leges iulerit.*

CAP. VII.

**A**lia præterea infinita maleficia, illo tempore, terra ma-  
riique ab impiis contrapios fuere commissa. Etenim  
deo infestus tyrannus Iulianus de reliquo leges ad-  
uersus verum dei cultum aperte promulgare cœpit. Ac pri-  
mum vetuit, ne Galilæi (sic enim fidei seruatoris nostri cō-  
secratos nuncupabat) poeticam, rhetoricam, aut philoso-  
phiam discerent. Nam nostris ipsorum, inquit, pennis, vt  
est in proverbio, percellimur: Siquidē nostrorū scriptorū  
præfidiis muniti, contra nos bellū suscipiunt. Postea etiam  
aliā tulit legē, qua mandauit, vt omnes Galilæi, id est Chri-  
stiani, ē militia pellerentur.

*De sancti Athanasii relegatione & fuga.*

CAP. VIII.

**P**E R idem tēpus Athanasius, athleta veritatis in omni  
certaminum genere exercitatus, in aliud rursus discri-  
men adducitur. Nā dæmones eius, tū in concionādo,  
tum in præcando, vim non ferentes, suos ministros ad eum  
conuiciis lacerandū armant. Qui vt alias multas voces, dū  
ab impietatis patrono contendebant, vt Athanasium in ex-  
ilium eiiceret, sic hanc apposuerunt, si Athanasius Alex-  
andriæ maneat, neminem gentilem mansurum. Eum enim  
omnes ad suū cōtū suasū adducturū. Cui postulationi af-  
fensus

sensus Iulianus, dedit mandatum, ut Athanasius nō patria solum, verum etiam vita spoliaretur. Cum autem discipuli eius ei metuerent, eum prædixisse fertur, tumultum eū breui compressum fore. Nam nubem appellavit, quæ celertime dissiparetur. Verū tamen ubi intellexit quosdam ad se cōquirendum missos, se clam inde subduxit, & reperto ad ripam fluminis nauigio, recta in Thebaidē traiecit. Qui aut iussus erat, ut eum occideret, factus de eius fuga certior, quantum potest, persequitur. Ac cum quidam ex familiaribus Athanasij anteuertisset, diceretque hominem eū propere persequi, nonnulli, qui comitabantur Athanasium, orabant, ut de via in solitudinem defleteret. At ipse dat missum gubernatori, ut nauigium versus Alexandriam dirigit. Sic igitur illis ei, qui persequebatur, obuiam factis, venit homo ille, qui mandatum de Athanasio interficiendō acceperat, sciscitaturq;; quantum inde abesset Athanasius: Cui Athanasius respondet, eum non longe abesse, sicque dimittit: ipse autem redit Alexandriam, atque reliquo tempore, quo vixit Iulianus, ibi delituit.

*De Apolline Daphnaeo, & sancto Babyla.*

CAP. IX.

Iulianus, cum in animo haberet, bellum contra Persas gerere, ad omnia oracula, quæ erant intra fines imperii Romanī, consulenda homines ē suis summa benevolentia sibi coniuctos misit. Ille ipse verò supplex orat Apollinē Daphnæum, ut quæ sibi essent euētura, ostenderet. Respondet Apollo mortuos quosdam in proximo humatos impedimento esse quo minus daret vaticinia. Eos igitur primū inde transferendos esse: deinde, quid futurum sit se prædictorum pollicetur. Nam se, nisi purgato luco, nihil posse dicere. Eodem tempore in eo loco reliquiae inuicti martyris Babylæ & adolescentum, qui una cum eo profide certarant, repositæ iacuerunt. Atque falsus vates aperte monstrauit se gratia illius martyris à consuetis & commentariis oraculis edēdisprohibitu. Quod ubi intellexit Julianus (nō enim ignarus fuit virtutis, quæ in veteri pietate martyris residebat) nullū quidē corp' mortuū inde deportandū curauit